

2. D. B. V.

JUS BELLI
CIRCA FANA
& SEPULCHRA,



PRÆSIDE

CONRADO SAMUELE
SCHURTZFLEISCH,

Publice disquiret

JOHANNESCHRISTOPHORUSPREIBISIUS
Sorâ-Luf.

ad d. 24. Martii, hor. antemerid.

WITTENBERGÆ,

Literis WENDIANIS Excudente DANIELE Schmaus/
Acad. Typogr. A. cło lcc LXXI.

THE 25th

CIRCUIT

COURT

I. N. 7.

§. 1.

Differam de Belli Jure, quatenus ad fana
pertinet & sepulchra. Versaborq; in hoc nego-
tio ita, ut summa solum illius capita attingam.

§. 2. Esset verò vel in antecessum de origine bellorum
cum cura quadam atqve diligentia agendum, nisi jam-
dudum alii suscepissent hujus argumenti dignita-
tem. Suffecerit mihi, ostendisse, bello non refragari
naturæ jus, nec præcipere tamen quidquam de eo. Sisti-
tur intra concessionis fines? Præcepti nec vis, nec vestigi-
um apparet. Est sane dictatum naturæ juris, insitum
omnibus, & omnium sensu atq; confessione firmatum
de suo cuiq; tribuendo. Si non tribuatur, suppetit tri-
bunal rectæ rationis. In hoc judicatur de justo, in hoc
tribuitur, quod tribuendum est.

§. 3. Hæc via atq; decidendi ratio juri naturæ, qua-
tenus per se sumto, nota atq; animis ipsis inscripta. De
eruentis certaminibus, nihil illi cognitum, nihil per-
spectum. Acquiescit hic, contentum, rationis judicio
disceptasse. De reliquis nil disponit, aut præcipit. Neq;
id tamen officit juri, tantum abest, ut evertat jus ipsum.
Satis hic & ad juris laudem, & ad justitiæ exemplum est,
si non repugnet sanctum illud naturæ jus, imò si de eo,
quod agitur perperam, informatum, assentiatur quoq; &
suggerat vindicandi justæ rationes. Esto quis: Et esto fortè
Classicus: Eripiat alii, quod suum est: Delitescat sub

specie juris. Ostendatur in judicio rationali fucus, detrahatur larva: Decidatur lis pro merito atq; ex dignitate causæ. Sed elabi Classicus velit, quæsito hinc inde prætextu elabendi. Interpelletur seriò, moneatur semel iterumq; , & id seriò quidem atq; graviter, reddat, restituat erepta. Primo tergiversetur, mox recuset plane atque detrectet. Satisfaciendum certè præcepto juris naturalis est de suo cuiq; tribuendo. Et noli ille tribuere, noli esse audiens dictato hujus juris. Referatur ad tribunal naturæ juris. Hoc ita informatum, concedet bellum, neq; rejiciet hanc viam repetendi ejus, quod injuste est ablatum. Nullum enim aliud remedium superest recuperandi ejus, quod ereptum. Intelligitur ex eo facilè remedium hoc recuperandi extraordinarium esse, eoque non prius adhibendum, quam omnibus modis monitisq; ad pacem connixi fuerimus, nec aliud nisi hoc restaurandi nostri juris instrumentum suppetat.

§. 4. Ceteroquin arduum Imperii Civilis nomen, ac tanto excelcius, quanto majus versari circa sacra, quibus DEI honor continetur. Est sane Princeps Numen quoddam mortale, & DEI vice res terrenas juxta & divinas curat dirigitq;. Agat ergo, quod DEUS vult, & quod agendum interpretatus ipse est.

§. 5. Atque id adeo argumento est summam illam, quam obtinent Principes, potestatem, non obtinere ab alio, quam à DEO, eamq; nullo interjecto ab eodem, id est, cœlesti illo fonte, derivari. Ganniat & garriat quorundam temeritas: nil moramur. Explosa jam olim Pontificii dominatus sententia est. Utinam vero malum statim intra sua primordia extinctum fuisset. Noto hic Sec. IIX. & XI. in quorum altero Gregorius III. Zacharias & Stephanus, altero Gregorius VII. Reges sibi atq; Imperatores in tantum obnoxios esse voluerunt, ut aut exaucto-

rarent.

rarent, aut interdicerent communione sacrorum. Quo
conf. Martin. Polon. Chron. A. 738. Ann. Pith. An. 752.
Otto Frisingensis L. 5. c. 23. Gottfrid. Viterb. Chron. part. 17.
De Bonifacii IX. conatu nil addo. Jamdiu notavit Thua-
nus Hist. lib. 114. An. 1595.

§. 6. Sed redeundum ad incepta, & videndum de
eo, cui comperat jus belli, & quam latè idem pateat. Ac
illud quidem nemini vindicandum, nisi habenti sum-
mam potestatem, sive eam unus habeat, ut Reges, sive
pauci, ut Optimates, sive omnes, ut Populus.

§. 7. Cæterum ista potestas vel est simpliciter summa
vel summam imitatione quadam repræsentat, eoq; ana-
loga vocatur, & mentione territorii definitur. Hæc aut
respicit Principes sigillatim, aut universè consideratos.
Hoc pacto jus belli sine dubio habent universi, quatenus
universi: quatenus singuli non habent. Si haberent, non
esset Civile corpus, sed gentium inde societas redunda-
ret. Habent tamen belli ad defensionem comparati jus,
habent resistendi potestatem, cum violantur ipsorum
jura, cum privilegia tolluntur.

§. 8. A jure belli pergimus ad jus dirigendi sacra,
quod publica Imperii Legum autoritate à territorii po-
testate dependet, idq; eo valet, ut rectè intelligatur, ex
quo fonte derivetur potestas circa mutanda, instauran-
dave sacra. Esto Ecclesiæ Patronus, habeat potestatem
statuendi de plurimis rebus: Non tamen continuo au-
debit vindicare jus mutandi sacra, nedum abolendi.
Causa ostenditur facile, si ostendatur indoles ac vis na-
tiva potestatis in territorium competentis. Quæ qui
gaudent (gaudent autem singuli ordines) jure dispo-
nendi circa sacra fraudari non possunt, nisi fortè pacto,
aut lege disponendi illa libertas fuerit circumscripta.
Sed hic Nobiles, qui Imperatori & Imperio tantum ob-

noxii sunt, excipias merito. Afferunt enim sibi jus dirigendi sacra, confirmant publicæ tabulæ. Vindicant adeo sibi in hac parte, quod Imperii Ordines. Et Ordinum tamen dignitate carent: An potestate, quæ territorium comprehenditur, una careant, non perinde est liquidum. Alii abrogant potestatem territorii jure competentem, alii concedunt. Nobis sufficiat, monuisse jus disponendi circa sacra iis saltim cōvenire privilegii jure, si vel maxime non conveniat habita territorii ratione. Verba sanctionis Augustæ manifesta sunt: *Libera & immediata Imperii Nobilitas, omniq; & singula ejus membra, vigore pacis religiose, & presentis conventionis in juribus religionem concernentibus, & beneficiis inde promanantibus idem jus habeant, quod Electoribus, Principibus & Statibus competit.* Dabo formulam, & dabo simul jurisdictionis ipsorum argumentum. Nomen vulgo notum, & hic non omittendum. Die freye Adelige Obrigkeit. Nomen dicam auctoramentum quoddam potestatis in ditiones competentis. Certè illo ipso continetur eorum dignitas, ac distingvitur.

§. 9. Latius diffundendum est, quod auspicati sumus. Finitur limitibus suis regimen sacrorum. Hos non egreditur, neq; profertur ultra. Tribuitur Principi, ex causa Imperii Civilis. Sed an hoc copulari cum sacerdotio possit, digna stilo & cura sapientum quæstio est. Libare aliquid juvat. Cætera aliis relinqvemus. Esto Bruno: Præsulis munus gerat: Impertiatur ei Principis jura, qui jus impertiendi habet. Præsul idem & Princeps erit. Regimen Civile atq; Ecclesiasticum ipse sustinebit. Sed Jure sustineat, an secus, valde est controversum. Ordiamur à naturæ jure. Hoc sicut in hac causa nil disponit, ita nil prohibet. Satis habet distare, Deum pietate, principem obsequio colendum esse. De administratione utriusq; officii, sacri & Civilis nil præcipit, nil de

definit. Concedit ergo, quantum in se est, neq; turpe inter-
pretatur, eundem Imperio & sacerdotio fungi. Gentium
consensus eo minus dubitare nos sinit; quod culti barbariq;
populi sacrorum Praefectos rebus Civilibus imposuissent.
Recito Germanorum vetustissimos sacerdotes, Civili
Officio perfunctos. Silentium, inquit Tacitus, per sacer-
dotes, quibus tum & coercendi jus est, imperatur. Apud
Romanos Pontifices non modo religionis praeluxerunt
exemplo; sed etiam cum Imperio fuerunt. Laudatus ille
mos Ciceroni est, dum arbitratur, nil praelarius inven-
tum atq; institutum esse, quam quod Pontifices iidem &
religionibus & summae Reipubl. praessent; Orat. pro do-
mo sua ad Pontif. Nemo etiam ignorat, antiquissimo
Quiritium more solis Pontificibus Jus Civile perspectis-
simum fuisse. Praeter Ciceronem conf. Valerius M.
posthunc Barnabas Brissotius Select. Antiq. Lib. 20. c. 20.
Neq; tantum Romanis haec indita persuasio fuit, sed latius
ivit illa consuetudo; & maxime imbuunt Orientalium
mentes. Refero in Exemplum Aegyptios, praeterea
Graecos; imprimis Athenienses; hinc Cappadoces, alios-
que, quibus nil magis honestum, quam Sacerdotium &
regimen sociari. Sed instruamus hanc operam exemplo
sanctae gentis. Videbimus Judaeos, unde vel primum
auspicari oportuit, hunc servasse morem. Saepe eosdem
& tenuisse Rempubl. & administrasse sacra. Revertor ad
Romanos, appello Augustum Romanorum Imperato-
rem. Is Pontificatum Imperio junxit, exemplo ad suc-
cessores transmissio; Kirchmannus lib. 3. cap. 25. de
Fun. Rom. Nota inscriptio, & veterum tabulis inserta.
Caesar Divi F. Imp. Pont. III. Vir. R. P. C. vid. Ad Octo in
Aug. Mitramus extera, ac ad domestica perveniamus. Fato
quodam Germanicarum rerum primus omnium Bruno,
Heinrici Aucupis filius, Pontificis idem ac Ducis of-
ficium

ficium gesfit. Coloniae Archiepiscopus & Lotharingae
Prorox fuit. Hujus rei testes gravissimi sunt Widechin-
dus Corbejenfis Annal. 1. Frodoardus in Chronico,
Æmilius Veronenfis Hist. Franc. lib. 3. Auctor Chronici
Laurishemenfis. His initiis sterit procesfitq; consuetudo
ista ad nostrum usq; ævum. Contra quam tempore Caro-
lingorum receptum fuerat, quo sacra & seculi negotia di-
versa plane ac suis disparata officiis fuerunt. Hinc seculo
IX. Ansegisus produxit constitutionem Caroli M. & filii
ejus Ludovici Pii, qua Episcopis dignitate sacra interdici-
tur, qui res seculi curarent. Verba egregia sunt & digna,
quæ adscribantur. *Si quis Episcopus Presbyter, aut Diaconus, vel
Subdiaconus ad bellum processerit, & arma bellica indutus fuerit
ad belligerandum, ab omni officio deponatur in tantum, ut nec
laicam communionem habeat.* Sed proximo statim seculo,
ab illa constitutione discessum est. Sacerdotium cum
regimine copulatum, eidem Antistitis Principisq; mu-
nus concessum. Nec multo post latè diffusum exem-
plum, & ad posteros usq; continuatum, ac tanto ampli-
ficatum magis, quanto suum Romæ extulerat caput. Sed
jam diu ante Leo Imp. Nov. constit. 68. συνεῖδον, inquit,
*ὡς τὸς αἰακμύβης πρὸς θείαν λειτουργίαν δὲ τῶν ἐξωθεν καὶ περισσο-
μῶν ἀπηλλάχθαι.* Idem provisum prohibitumqve accepi-
mus à Concilio Ephesino. Addatur Codex Can. Eccles.
univ. ex recens. Christoph. Justelli, nuper a G. T. Meiero
editus: eoqve inprimis conf. celeb. Ziegler. in egregiis
animadv. ad Lancellot. l. 1. tit. 12. Non attinet plura af-
ferre, cum satis jam constet de gentium consensu.

§. 10. Accepimus, quid liceat per jus innatum &
fas populorum. Nunc transitus ad tramitem constitui
juris, præsertim illius, quod DEUM auctorem habet. Atq;
hic duo ob oculos sunt ponenda: unum est potestas DEI,
alterum libertas ejus. Illa res mortalium universas com-
plectitur

plectitur & regit sustinetq; . Hac pro nutu disponit, figit leges & refigit, promulgat idem abrogatq; : Adeo familiare Sanctissimo Numini est, jam concedere, ut quid fiat, jam prohibere, ne quid fiat. Quatenus id quod ita concedit prohibetq; , ex numero eorum est, quæ concedi prohiberivè per naturæ suæ indolem possunt, ac adeo subjacent imperio voluntatis, neq; vero sic repugnant, ut libere de iis possit constitui atq; disponi. Malignitas est, non sequi arbitrium summæ Legislatoris. Nos imitabimur prout voluit Deus. Voluit autem sæpe & concessit in fœdere antiquo, unum eundemq; diversis officiis fungi. In Novo prohibuit, quominus quis utroq; munere, id est, sacro profanoq; fungatur. Desit adeo Leviticum illud ævum. Imperium atq; sacerdotium res suâ naturâ dissociabiles, & nullo adeo consortio miscendæ. Hoc sanxit Christus, hoc Doctores gentium, Apostoli approbarunt. Ut maxime igitur à justitia naturali & gentium consensu non recedat illud sacri profaniq; officii copulandi institutum, recedit tamen à jure divino per tabulas novi fœderis constituto, recedit à pietate quam Christo Legislatori debemus. Dabo ergo non esse contraria officia, Ecclesiasticum & Civile. Dabo statum utrumq; ætissimæ societatis esse capacem. Nō tamē concedam, post laram à Christo legem, eundem summæ rerum & sacro officio præesse posse. Non quod officia per naturam contraria sint, sed quia sic dixit, sic voluit, sic ordinavit Deus, qui sequendi obediendiq; necessitatem omnibus hominibus, jure divinæ potestatis, quæ omnia complectitur, imponit. Atq; inde jam colligamus, hæc officia sic suis finibus discreta esse, ut conciliari in uno homine non possint, siq; unum eorum retineatur, alterum necessario relinquendum fore. Sed confragosa hic via est. Videamus, ne in lubrico ambulemus. Premittà tergo Pontificis caligo. Sed tenebras has expedit magni nominis Theologus Balh.

Meisnerus Phil. Sobr. sect. 2. q. polit. 2. Saltem addimus, respectu Ecclesiarum duplicem assignari potestatem, unam exterius versari, & dirigendo occupari; alteram diffundi ad interiora ejus, ac competere notione interpretandi verbi sacrationis, ac dispensandorum adeo DEI mysteriorum. Prior eamq; solam vindicamus Imperio Civili, naturæ agentium, & divinitus constituto jure. Legis naturæ sanctæ præceptum est, obédire DEO, & propter DEUM summæ potestati. Gentium quoq; omnium sancta hæcenus opinio fuit, regimen Majestatis contineri potestate suprema disponendi res omnes societatis Civilis ambitu comprehensas: Sacras, an profanas, nil interest. A natura enim Imperii quasi fonte manat jurisdictio in Rempubl. juxta atq; Ecclesiam. Ecclesiam dico, quod hæc Reipubl. quasi fulcramento suo innitatur. Divinæ leges sic claræ sunt atq; evidentes, ut vel solum Nutritii nomen summis Magistratibus à DEO ipso met adscriptum, argumento sit hujus rei. Per significanter id sanctissimo & Regiæ stirpis Vati expressum vocabulo est. Esai. XLIX. 23. Nec abludit interpretatio Thargumica. LXX. reddunt *reges*, dictione perconvenienti.

§. 11. Sed hæc plenius disquirendi argumentum præbeant iis, quorum curam excitat cura sacrorum verborum.

§. 12. Aut fallit me animus, aut certè indicavi, quo valeat susceptus hic labor. Sufficit meminisse, quod diximus de Imperio circa Sacra. Nunc ex præscripto innati gentiumq; juris reddere juvat in præsens, quousq; liceat exercere Imperium circa sacra, quousq; etiam circa religiosa? Moliatur bellum Princeps ex justa causa. Oppugnet urbem in hostico occupetq;ve. Omnia solo æquet securitatis finium gratia, Res plena disceptationis, plena dubitationis est, utrum eadem opera & certe eodem jure diruere ædes sacras

sacras, evertere templa, demoliri fana, destruere delubra
atq; simulacra liceat? An grassari in sepulchra, an deicere
monumenta sit concessum? Auspicabimur à sacris. Jus na-
turæ in hac causa nil disponit. Sinit disponere homines;
homines, inquam, quibus jure domini data disponendi
potestas est. Fortius loquar. Sit templum oppugnatum
hosti profuturum, contra noceiturum castris, quod defen-
dere velimus. Cessabit reverentia sacri ritus, dictabitq; æ-
quitas & ipsa justitia naturalis, perire illius loci veneratio-
nem. Nihil hac evidentius, quam non refragari jus naturæ,
& svadere insuper, si informetur, quid exterius agatur, imò
dictare tandem, si non aliter nostrum nobis conservari re-
tineriq; possit. De mero gentium jure nil vetat dicere idem
& facere. Non vacat mihi esse prolixo. Dicam quod res
est. Aut contemnitur religio alterius ut hostis, aut locus
religioni consecratus extremam Reipubl. perniciem mi-
natur: utroq; modo de sinite esse sacrum, quod hætenus fuit
sacrum. Esto Carolus M. destruat fana Saxonum, ut Eres-
burgense quidem olim destruxit: diruat statuam Irmensu-
læ nomine dedicatam, ut revera diruit. Ann. Franc. 772. &
Præses eò in Hist. Wittekind. M. §. 5. not. f. Nil religio
impedire potuit, ut pro qua faciat veneratio religionis. At
vero Carolus ut Christianus non habuit venerationem erga
sacra non-Christianæ gentis, qualis per id tempus Saxonice
nostra erat. Pro veneratione contemtus erat, ex contemtu
ratio oriebatur, quæ faceret pro jure belli in sacra, ut facere
ipsi liceret, quo desinerent esse sacra. Nempe efficere pot-
est justus religionis contemtus, ut loca religioni consecra-
ta cessent esse sacra, cessent habere sacrorum veneratio-
nem. Neq; id fraudi est Divino honori, quippe quæ in ani-
mis metimur, si justis pretiis metimur. Consecrantur tem-
pla, ut DEO serviant, non DEUS ipsis. Opera hominum
sunt, quibus non includitur sanctissimum Nomen. Deseri

ergo juxtaq; destrui possunt, si aut nulla servandorum spes
affulget, aut ex servatis certissimum impendet Reipubl. da-
mnum. Præclare Zieglerus noster pronunciat, consecra-
tionem usu populi, quasi fundamento suo fulciri. *Sicubi i-
gitur populus loco sacro amplius uti non possit, cessare locum esse sa-
crum, idq; ex tacita voluntate & voto populi consecrantis.* Not. ad
Grot. L. 3. c. 5. §. 2. Nempe ibi Dei delitiæ sunt, ubi mens in pie-
tatem conversa, animusq; in Deum revolutus est. Inutile
accersere exempla. Ipsi memoria tenemus, quid actum sit
superiori bello. Cujus rei tantò majus apud nos momen-
tum, si jam tum ante excussa veneratio est: Si extinctus di-
vinior usus, si tecta, si parietes jam tum ad profanas operas
compositi fuerint atq; comparati. Sit hostis: arma dispo-
nat in templo muniatq; in super operibus, ac inde se & suos
defendat. Credam licere alii in templum, quod hosti licuit.
Licere, dico, jure, quo hostis utitur adversus hostem. Fue-
rint olim Judæi. Propugnaverint urbem ex templo. Nil
dubitaverit Titus aggredi templum & expugnare, expu-
gnarumq; posteavertere ad profanos usus. Ac id quidem
omne salvo gentium, salvo belli jure. Neq; vero hic præ-
terire debemus, venire usu posse, ut paria faciamus hosti,
neq; indulgeamus, ut impune ferat, quod ausus est in no-
stra templa. Fecerit damnum fanis, everterit simulachra.
Non video cur nobis idem non possit licere, & ultionem
justissima rependere ultione. Proferam Græcos. Dejece-
runt templa Persarum, perniciem delubris attulerint: Me-
rito arbitrabuntur Persæ, idem facere sibi integrum esse.
Tamet si nolim dissimulare Græcos ad reverentiam tem-
plorum primis temporibus sic excultos fuisse, ut etiam
quum maxime ferveret bellum, parcerent templis, absti-
nerentq; à sacris domiciliis manum. Nec absunt tamen,
qui id institutum magis à ratione utilitatis, quam à venera-
tione profectum putent. Reddere hujus rei argumenta nō
atti-

attinet. Satis quippe manifestum, sæpe temperatum esse templis, non tam veneratione templorum, aut amore rerum divinarum, quam respectu utilitatis, & proferendæ securius Dominationis. Ut mirer, cur accusent Xerxen violati gentium juris. Scilicet vastabat sacras domos, ignem subiciebat templis, nil deniq; relinquebat intactum. Seu ferro, seu flammis sæviebat. Neq; id tantopere redarguendum fuerat. Quæ Græcis sacra, ipsi profana erant. Deditur venerari eorum templa, qui more suæ gentis extra templa operabatur sacris & publice colebat Solem. Jam existimari potest, quam sine causa quidam obvertant hic sive religionis nomen, sive consecrationis ritum. Ducere nobis rivum liceat ex horum fontibus, qui Grotio operantur. Illi duo astimant, vel opinionem victoris, quæ aut sustinetur consecratio, aut convellitur: vel scopum ejus, qui curat ut templa diruantur. Si ad Numinis contemptum faciat, ferendus non est. Exhorrescit animus, cum Belsazaris recordor, cui oblectamentum erat, violare templi vasa, & instruere inde supellectilem sibi atq; adornare ad profanos usus. Absit pio Principe impius iste animus. Nihil illi legem ponit, nisi ardua illa necessitas rerum & salus Reipubl. servandæ. Dejicere igitur templa eousq; licet, donec dejiciendi ratio à necessitate ac subsidiis tuendi regiminis representatur. Horum si nihil ad sit momentorum, adeo non valet in laudē iste conatus, ut quoq; incurrat crimen violatæ pietatis. Sed explicatius loquamur de templis. Fingam, Principem hic ex justa causa Principi Christiano, ibi Principi barbaro & non Christiano urbē ac templa eripere. Non uno modo pronunciandū erit in hac causa. Nam aut Princeps Christianus eadem nobiscum sacra colit, aut diversa habet, eaqve multis erroribus ac superstitionibus fœdata. Non admittam, si Princeps Christianus, Principi Christiano & socio ejusdem religionis templum bello

creptum seculo donet sine causa. Secus est, si necessitas
ad id cogat, quod sine necessitate non erat facturus. Si
Princeps vero barbarus sit & Christiana religione non im-
butus, Urbi templisq; inferre pedem & eripere dedicata
bona, ac vertere ad Christianos usus, siverit jus belli. Sed
contingat Christianum disfidere à Christiano, ac disjungi
adeo utrumq; diversis sacris. Expediendum, quid liceat
victoriæ jure. Est gens statuarum cultibus dedita & plu-
rimis navis erroribusq; infecta: Habeat templa supersti-
tiosis abusibus polluta: Dicam jure belli eadem ratione
in Civitatem & templa Imperium acquiri. Caterum non
unà asseram acquiri jus diruendi templa, si non ostenda-
tur necessitas, quæ ad diruendum impellat. Insolens enim
& prorsus illiberale facinus, tunc templis non temperare,
cum ratio non exhibetur, propter quam temperari non
debeat. Quin adeo multo consultius fuerit, parcere fanis,
& conniti interim atqve curare enixissime, ut separetur
profanus usus & denuo excitetur verus Dei cultus, ineptiis
humanis ac vanitati ne vestigium relinqueretur. Laudandi
SAXONES nostri, qui non abolere sacra collegia, sed
restituere, ac reddere avito sacro & Scholis amplificandis
materiam dare, ac per has proferre Ecclesiam & amplifica-
re benignissime, novo nascentis nostræ felicitatis au-
spicio, sunt aggressi. Facebant itaque A. Contzenius & P.
Cussemius dicam scribere Divis Saxonie Electoribus, ut
qui non destruxerint templa, sed instauraverint, non abo-
leverint sacra, sed repurgaverint, non extinxerint reditus
sacros, sed mutaverint meliori usu, reducerintqve adeo
antiquum cultum. Sed male habet istos homines, inci-
disse in ea tempora, quibus segnitia odio, impietas quo-
que execrationi esset. Dolent, fremunt, indignantur,
amisse tot amplissimos provenus, tot prediorum lautis-
simos fructus, quibus & pascere oculos, & curare ventrem
exqui-

exquisitis sine licebat. Scilicet frui bonis, nec mereri, nisi voluptas. Dare Deo nomen, & frigere interim in Dei cultu, ac pietatem ostentare magis, quam habere: omnia in speciem comparare & fictum splendorem, adulti mores, Jactari religio, non exerceri: squalere studia pietatis, jacereliterarum cultus, Dei Magistratusq; honos eodem periculo involvi, cuncta ruere in exitium videbantur. Nil usquam recti, nil sinceri. Omnia aut pravo de rebus divinis sensu, aut luxu orioqve foedabantur. Omne demum momentum in rebus seculi ponebatur, & quasi impiæ nundinationis: nundinationis, dico, fortunarum omnium, ac divini humanique juris. Jam satis suis admovebatur IGNAVUM GENUS. Extrudendum erat, quia non Deos sed Pontifici, sed ventri, sed ignaviae superstitionibusq; obstinate addictum. Hoc Deus a Principibus, hoc Principes a sacerdotibus exigebant: certe exigere debebant. Ingens inde ad Saxonas gloria, & æternum ad posteros rei bene gestæ monumentum. Injuria ergo est, non stilo, sed ferro vindicanda, insultare piissimo cineri, vellicare religiosissimorum Principum manes, & comminisci denique ineptissimas ad obtrestandum artes. Nobis ex eo latandi argumentum, unde vasis istis hominibus hætenus criminandi fuit.

S. 13. Confecisse nos negotium hoc crederemus, si paucâ quædam recitassetus de scopo atque instituto religiosorum collegiorum. Principio ad Dei honorem, erudiendamque juventutem, & propagandum adeo diviniore solertia exemplum instituta fuerunt. Hinc deflexa in abusus, a sequiori ævo traxerunt labem, optimis initis ad pessimum eventum conversis. Confluere eo pietatis obtentu multi, & conferre fortunas suas, ac donare luculentissima prædja, atque amplissimas possessiones. Suis aut nihil, aut non multum relinquere. Toleranda liberalitas, nisi inter-

intermixta superstitioni, nisi immodica, nisi denique cum
prasentissimo reipublicæ exitio conjuncta fuisset. Atqui
vero summa iniquitas, religionis prætextu atque adeundæ
hæreditatis cœlestis spe imponere necessitatem dandi, e-
mungere cives, exhaustire Principes, avertere omnes ferme
reditus ab ærario ad culinam ignavæ societatis. Prudentis-
sime nuper Senatus Venerus edixit, abstinerent rebus secu-
li Patres, aut urbe exirent. Nil neque ingeniosa mendica-
tione, neque emptione posthac pararent monasteriis suis.
Contenti essent partis, si retinere vellent, si secure frui. Fe-
stive quoque Altierius Purpuratus consilia & intempestivas
preces non ita pridem elusit. Habent Romæ privilegia im-
mensa. Nec tamen contenti his desiderabant plura. Pul-
cher impetrandi titulus, lautissima parata cœna est. Sed
excusare se purpuratus, & causari occupationes, opportu-
ne se in palatio continere, Jamque tacite exprobrare inge-
nium habendi nimis cupidum, & nunquam desinens pe-
tendi. Adeo illud genus hominum non principibus mo-
do, sed ipsi etiam Pontifici grave est quandoque & mole-
stum. Quid diceret Augustus noster, si dicere ex animo, si
justam expedire severitatem vellet? in-gemisco hic seculis
antiqvis, Nil recusabant, nil tergiversabantur, cum dandū
esset Monachis. Fundi, prædia petentium præmia erant. Al-
lego hic veteres Burgaradios, Hadaburgios, Freibrathios,
Leidrathios, Rohingios, Engilbertos, Vuldarnios, Helpfra-
tios, Gunderos, Mattones, Suolistas, Walachfridos, & vel
mille alios, quos legi in schedis monasteriorum, & Chro-
nicis antiqvis, ex sola superstitionis causa ad largiendum
inductos. Indignæ hæ monachis fraudes, & daturæ princi-
pibus occasionem sive retractandi concessa, sive separandi
abusus. Exemplum inter exempla erit Chronicon Fulden-
se, plenum supersticiosarum talium donationum.

§. 14. Hæc atq; talia veteris ævi jam expendenti succurrit, Pontificios ipsos sæpe ex hac causa ad justam iram fuisse accensos. Non repetam querelas Marfilii Patavini. Nec recensebo de Ordine Templariorum everso. Ubiq; indicia sunt & clarissima argumenta corruptissimæ societatis. Novissime Clemens IX. demonstravit exemplo, in communi Christianorum calamitate intercipi quandoque monasteriorum reditus posse, & servari ad principis rei q; publicæ salutem, reddendos, si princeps redierit ad seipsum, si collegerit vires & res in deterius lapsas refecerit. Sed videat Princeps, non recte adhiberi, notet gravissimos abusos: habet, ut insistant Divi nostri Mauritii exemplo, & vindicet Deo, convertatq; ad officia pia & causas honestas, detq; operam adeo, ut & honori suo consulat, & Deo relinquat, quæ sunt dedicata Deo: illud denique omni ratione atq; ope efficiat, ut verus incorruptusq; Dei cultus instauretur, & instauratus æternis legibus sanciat, conserveturq; ad posterum.

§. 15. Nolumus esse longiores. Quod sine, idē ratione caret. Una igitur opera & naturam imitabimur, & nitentur ad operis nostri metam. Saltem restat, ut tradamus de jure Sepulchrorū. Implet vero hic partes suas gentiū ille consensus, ac una mente animoq; securitatem impertitur sepultis. Jam olim Athenienses capite plectendos consueverunt, qui grassarentur in sepulchra, qui cadavera effoderent & reliquias defunctorum. Cambyli in æternum probrum cecidit, quod vel solum Amasis Egypti Regis sepulchrum reclusisset. Et Xerxi apertus Beli tumulus æternam labem adspersit. Nec servavit honorem suæ gentis Philippus Macedo, cum non tam in homines, quam in cadavera conversus, ultra belli jus sæviret. Effusa in sepulchra crudelitas, idem hostes ac tumulos exitium involvit, furor deniq; omnia

omnia & ipsas defunctorum imagines consumpsit. Recitat historiam Livius, recitatam in compendium redegit Florus Hist. Rom. Epir. l. 2. c. 7. Non allegabo Imperatorum rescripta, non recensebo tabulas Augustas. Functus hoc officio Joh. Kirchmannus est, & nomina allegavit, & confirmavit sanctitatem hujus juris. Placet nobis ponderare momenta rerum, quatenus morum ambitu comprehensa. Primo pietas sanxit legem miserationis erga mortuos, cum à mortuis nullum periculum sit, nullus impendeat metus. Neque prudentia hic indignatur, ut quæ tunc pietati obicem ponat. Cum aut jactura metuitur securitatis, aut vestigia quædam extant gliscentium periculorum, si pietati indulgeamus, si benignitatem exerceamus. Ira allegari non potest, exercenda enim adversus hostes est. Mortui autem jure hostium contineri amplius non possunt, quia mortui, quia vitæ, quia vinculo Civili, quia ipsi denique gentium societati erepti. Injuria est destruere id, à quo vel horror ipse humanas mentes avertit. Res stupenda sane, nocere iis velle, quibus noceri non potest. Vitam jam tum amiserunt. Existimationem crudelitas auferre non potest. Si terroris inde occasio quærat, prætextus forte speciosus, facinus certe est inhumanum. Suppetunt alia incutiendi terroris instrumenta, eoque non à sævitia, omnes humanitatis limites transeunte, repetenda, ad instruendam hanc brutæ crudelitatis scenam. Non licet rem ordiri altius. Saltem admonemus alia ratione gentium illud jus pertinere ad sepeliendos, alia ad sepultos. His invidere quietem impietatis: Illis concedere, ut terra atque pulvere tegantur, receptum voluntate gentium, non indutum simplici necessitate est. Cujus in medio bello documentum. Viderit Antonium Augustus, & vindicaverit mortale imperium. Moderationem servabit quoque post illa-

illatam cladem, & potentibus spatium sepeliendi annuet
merito. Erga cæcos jã cõsummata ultio est. Terra igitur ob-
ruantur, qui terrã colere non possunt. Sed singas, Augustũ
negare sepulturã. Progredietur ad saxitiã usq; & ultra bel-
lantium fines. Instituet ultionem sublata ulciscendi causa.
Nam à cæsis non habet, quod metuat. In sidiari non pos-
sunt. Et jam abunde ultionis est. Ostendit rationem huma-
na ratio, & suadet natura hanc benignitatem. Seqvuntur id
gentes & probant, atque sive humanitatem, sive mansuetu-
dinem erga defunctos interpretantur. Constans hæc om-
nium temporum opinio, & ab ultimo ævo ad posteros
propagata. Denuo argumentum in numerato: creditum
semper inter cultiores est, mortem omnium calamitatum
esse coronidem. Præterea nil tam rationi naturali contra-
rium; nil tam hominis erga hominem necessitudini ad-
versum est, quam addere miseriam afflictis & mortis cala-
mitatem nova injuria augere. Terribile satis, concidi mu-
ronibus, & tormentis verberari quassariqve. Nil intel-
ligi miserius, nil excogitari formidabilius potest. Sisten-
dum ergo intra hos fines, nec cæsis insultandum, ne denuo
vindictam de cæsis sumere videamur. His addo, quod Gro-
tius, & præter hunc moderatores, ferme omnes monent,
nil perinde conveniens esse homini, quam curare hominũ
sepulturam: contineriqve hoc officium officio rationi
naturali maxime consentaneo. Præterea id exigi à digni-
tate humani corporis, & devorandi metu. Cum non va-
nus subeat timor, feris & avibus cesserum in prædam, quod
terræ non redditur, quod tumulis non inferitur. Sed exci-
piendã hic corpora facinorosorum, præsertim illorum, qui
postulantur perduellionis & convincuntur. His ne qui-
dem parcitur post mortem, sive ob exemplum, sive ob fœ-
ditatem delicti. Et Veneti jam olim existimant, recte
in

in mortuos statui, quod dum viverent, merebantur. Si quis depeculatus rempublicam esset, si indicia reliquisset affectati dominatus, non temperant severitati, & cives deterrent exemplo. Indignus quippe humanitate, qui hominum violare jus, qui Principis exuere obsequium studuit. Fundere contra sanguinem in bello, & moliri exitium hosti, belli concessum jure est. Sopitur hostile odium, si casus est, adversus quem justa materia odii fuit. Aequissima hæc gentium populorumque sententia est, eoque ab ultima antiquitate recepta apud omnes, & saniori judicio rationis innixa. Unum cupimus, quod concedatur instituto. Vindicavimus antea securitatem sepulchris, vindicabimus in posterum. Fallunt vero qui peræque existimant de iis, quæ sepulchris imponuntur. Cippi, statuz, columnæ diversa lege censentur. Cedunt Principis, cedunt bellantium potestati. Neq; hic dubitandi causa, nec difficilis ratio scrutantibus jus belli. Cujus reddere initia, & prosequi singula momenta, nimis forte longum foret. Eligenda vero hic media inter caritatem & crudelitatem via. Nimis indulgere hosti, non expedit semper. Savire quoq; execrabile est. Cohiberi ergo, furor, retineri severitas, adhiberi prudentia debet. Quod in hostem, idem in res fortunasq; hostis, & omnia ejus licet. Imagines, tumuli, statuz, monumenta, & lapidum istæ cinerumq; moles ac sepulchrorum ornamenta universa revelli possunt atq; removeri. Lege quidem id facere prohibentur privati, & pœna violatoribus irrogatur. Princeps & supra privatam sortem, & belli jure hic solutus lege est. Non repetam hic veteres ceremonias, quibus & facere locum religiosum, & stabilire sepulchrorum jus voluerunt. Legi de hoc argumento scriptores præci, legi post alios Polydorus Vergilius potest. Sufficit nobis omniū consensus gentium, quæ & sanxit mortuis quietem, & constanti usu approbavit, & adeo tandem apud posteros convaluit in legem.